



Centro Integrado Gestão De Crise Sala De Situação

KOMUNIKADU BA IMPRENSA

21 de Maiu 2021, 17H30.

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, loron 21 fulan Maiu 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun hanesan tuir mai:

I. DADUS JERAL BA TIMOR-LESTE TOMAK:

- 1) Kazu detetatu foun ne'ebé relata ohin dia 21 de Maiu de 2021: **172** (iha Dili 155, iha Munisipiu seluk 17).
 - Husi total kazu detetadu foun ohin: **mane 106, feto 66.**
 - Husi total kazu detetadu foun ohin, hirak ho idade **tinan <12:1**; ho idade **entre tinan 12-59 nain 170** (98,8%); ho idade **>60:1.**
 - Husi total kazu detetadu foun ohin, **proporsaun kazu sintomátiku hamutuk 2,3%.**
- 2) Kazu rekuperadu ne'ebé ralata ohin, dia 21 de Maiu 2021: **95.**
- 3) Total kazu ativu ohin, dia 21 de Maiu 2021: **2469.**
- 4) Total kazu konfirmadu kumulativu iha 21 de Maiu 2021 (sura husi 21 Marsu 2020): **5287.**
- 5) Husi horiseik mai ohin, dia 21 de Maiu, hamutuk hotu Laboratóriu Nasionál Saúde halo **683 testes PCR iha Dili**, ho detalles hanesan tuir mai:
 - a) Vijilánsia sentinela: **43.**
 - b) Rastreiu ba kontaktu (Contact tracing): **84.**
 - c) Rastreiu Aleatoriu (Random Screening): **24.**
 - d) Viajen sai husi serka sanitária Munisipiu Dili: **480.**
 - e) Viajen internasionál: **4.**
 - f) Follow up iha quarentena: **48.**
- 6) Total testes PCR ne'ebé halo horiseik dia 20 de Maiu iha Munisipiu sira seluk , REAOA & HNGV, hamutuk **533**, ho detalle hanesan tuir mai: (a) **Baucau:23**; (b) **Ermera:42**; (c) **Maliana:59**; (d) **Maubisse:110**; (e) **RAEOA:1**; (f) **Suai:158**; (g) **Viqueque:61**; (h) **HNGV:79.**

II. TABELA EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 21 MAIU 2021.


(Tuir klasifikasaun transmissaun OMS nian)

Nº	MUNISIPIU	KAZU DETETADU FOUN IHA 24 ORAS IKUS	KAZU REKUPERADU IHA 24 ORAS IKUS	KAZU ATIVU	KUMULATIVU REKUPERADU	KUMULATIVU KAZU KONFIRMADU	ÓBITU IHA 24 ORAS IKUS	KUMULATIVU ÓBITU	KLASIFIKASAUN TRANSMISSAUN
1	AILEU	1	0	6	6	12	0	0	Kazu esporádiku
2	AINARO	0	0	6	25	31	0	0	Kazu esporádiku
3	BAUCAU	0	0	136	79	215	0	0	Kazu iha Cluster
4	BOBONARO	8	0	40	12	452	0	0	Kazu iha Cluster
5	COVALIMA	7	0	129	18	147	0	0	Kazu iha Cluster
6	DILI	155	95	2009	2496	4515	0	10	Transmissaun Komunitária
7	ERMERA	0	0	21	49	70	0	0	Kazu iha Cluster
8	LAUTEM	0	0	6	16	22	0	0	Kazu esporádiku
9	LIQUIÇA	0	0	11	10	22	0	1	Kazu esporádiku
10	MANATUTO	0	0	14	6	20	0	0	Kazu esporádiku
11	MANUFAHI	0	0	1	53	54	0	0	Kazu iha Cluster
12	RAEOA	0	0	1	7	8	0	0	Kazu esporádiku
13	VIQUEQUE	1	0	89	30	119	0	0	Kazu iha Cluster
TOTAL		172	95	2469	2807	5287	0	11	

III. EVOLUSAUN SURTU COVID 19 IHA MUNISIPIU DILI, MUNISIPIU SIRA SELUK NO MÓS RAEOA

- Atu bele hatene surtu ida ninia evolusaun, no mós surtu ne'e aumenta ka diminui, **indikator ida** ne'ebé matenek-nain epidemiolojia nian uza, maka **insidénsia**. Konvensionalmente insidénsia sukat **total kazu foun, kada loron, pur 100 mil habitantes**, no hatudu risku ne'ebé populasau iha atu hetan da'et moras ida.

Gráfiку nº1: hatudu kazu detetadu foun kada loron iha Timor-Leste tomak, pur Munisipiu & RAEOA.




- Gráfiku iha leten hatudu katak média (rata-rata) ohin, husi insidénsia Covid-19 iha Timor-Leste durante lora 7 ikus maka **12,6/100 mil habitantes**, enkuantu ba deit **Munisipiu Dili 38,9/100 mil habitantes**.
- Insidénsia iha leten sei nafatin hatudu katak **Munisipiu Dili maka fatin ho risku bo'ot liu atu populasau hetan da'et & hada'et tutuan virus SARS-CoV-2**.

2. Informa mós ba públiku katak profisionál saúde sira ne'ebé servisu iha Hospital Referénsia Maliana, hamutuk hotu 130, iha lora 3 ikus, nain 11 maka detetadu pozitivu (8,4%). Rastrei sei kontinua halo nafatin iha hospital ne'e. Ohin, servisu konsulta esterna suspende temporariamente atendimentu, maibe servisu emerjénsia, maternidade no internamentu seluk, kontinua funsiona, maski iha médiku no enfermeiru lubuk ida maka tenki tama kuarentena, tamba kontaktu-besik ho sira ne'ebé pozitivu.

IV. INFORMASAUN HUSI IZOLAMENTU VERA CRUZ

1. Iha dia 21 de Maiu de 2021, izolamentu Vera Cruz halo tratamentu ba kazu detetadu nain 36. Iha área obstetrisia nain 13, no iha medisina interna nain 22, pediatria 1
 - Sira nain **13 iha obstetrisia**, kategoria **leve (mild)** hotu.
 - Husi sira nain **22 iha medisina interna**, nain **4 grave** (2 iha ICU uza ventilador, 2 uza oksijéniu), nain **19 moderadu**.
 - Kazu 1 iha pediatria tama iha kategoria **leve (mild)**.

Gráfiku nº 2: Total kazu pozitivu hirak ne'ebé baixa ospital kada lora & kumulativu.



- Koluna kór verde hatudu kazu foun ne'ebé deteta kada lora iha Timor-Leste laran tomak.

- Liña azul iha gráfiku ne'e, hatudu númeru kazu moderadu no grave ne'ebé baixa iha Vera Cruz, no hatudu katak wainhira ema barak liu detetadu pozitivu, barak-liu tan maka sei baixa ho kategoria leve, moderadu no grave.

V. INFORMASAUN ADISIONÁL

1. Aproveita informa mós ba públiku katak, fatin atu halo teste PCR maka hanesan tuir mai:
 - Wainhira sente moras isin-manas, mear, kakorok moras ka sintoma seluk tan: **bele ba konsulta iha Sentru Saúde ne'ebé besik, atu bele halo swab.**
 - Wainhira atu husu autorizasaun esepSIONÁL sai husi serka sanitaria iha Dili: **bele ba halo swab iha Centro Convenções Dili (CCD).**
 - Wainhira sente katak sai kontaktu-besik ba ema ruma ne'ebé detetau pozitivu ona, no seidak hetan kontaktu husi ekipa konjunta saúde: **bele liga ba numeru 119 atu organiza oin sá foti swab.**
 - Ekipa Saúde na Familia (SnF) iha Sentru Saúde sira iha Dili, halo mós vizita ba bairru ho aldeia sira ne'ebé detetadu kazu barak ona. Sira ne'ebé iha sintomas, ka sente kontaktu besik ho kazu pozitivu ruma, bele hakbesik ba sira hodi halo swab.

VI. APELU

1. Apela ba populasaun iha Timor-Leste laran tomak atu tu'ur hakmatek, kumpri ho rigor regra serka sanitaria no konfinamentu domisiliáriu ne'ebé Konsellu Ministru deside ona implementa hahú da 30 de Abril, no estende tan ona semana 2 ba oin. Husu atu hotu-hotu kolabora ho autoridade saúde sira hodi bele buka-tuir ema hotu ne'ebé hetan da'et ona virus ne'e, no izola husi no la bele hada'et-tutan ba ema ne'ebé seidak hetan da'et.
2. Apela ba populasaun iha Dili laran no mós iha Munisipiu sira seluk, atu apresenta-an iha facilidade saúde públiku (Sentru Saúde ka Ospital) ne'ebé besik, wainhira sente isin-manas, ka kakorok moras, ka inus-ben, ka mear, hodi bele hetan atendimentu husi profisionál saúde sira. Wainhira sedu liu hatene se virus ne'e kona ita ka la'e, di'ak liu, hodi nune'e bele hetan atendimentu sedu liu, no prevene tama ba iha situasaun ne'ebé hanaran sindroma insufisiénsia respiratória aguda (SIRA), ka susar/difisil atu dada-i'is.
3. Ba populasaun iha Timor-Leste laran tomak, favor respeita nafatin regra prevensaun no ijiéne individual, ne'ebé Governu hatu'ur ona, atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) uza máskara; (b) fase liman beibeik ho sabaun ka desinfetante ruma; (c) evita kose liman ba matan, inus ho ibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA